

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Maanna paasisakka tunngavigalugit aqutsiveqarfimmi Upernavimmi qilalugartassiissutit qernertat nungupput. Qaammat imaaliinnartoq pisassarunneq Naalakkersuisunit iliuuseqarfigineqarniarpa?

(Nikolaj Jeremiassen, Siumut)

Tunngavilersuut:

Upernaviup avannaani qimusseriarsuarmi qaannamik piniartartut eqqarsaatigalugit allamik periarfissaqanngitsut, inuussutissarsiornermik piniartunut pingaarutilerujussuaq pingittoortussanngormat, allamillu tikkuussisoqarsinnaanngippat pisassat pineqartumi immikkut pisassiisoqartariaqarpoq. Taassumallu malitsigisaanik eqqarsaatigineqartariaqarpoq pineqartumi pisassiissutit immikkoortinneqartalernissaat, pissutigalugu qilalukkat amerligaluttuinnarneranni nunguussaajualertussaammata.

Apeqquateqaatimma ullut suliffiusut qulit iluanni akineqareersimanissaat kissaatigaara.